



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: **UP-1/21-3-40-590-9/23**

Datum: **22.04.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica Rudnici mrkog uglja „Banovići“ d.d. Banovići za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na prostoru P.K. „Turija“ i platou „Bešin“, općina Banovići, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu Rudnici mrkog uglja „Banovići“ d.d. Banovići daje se vodna dozvola za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na prostoru P.K. „Turija“ i platou „Bešin“, općina Banovići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, dostavljenog dinamičkog plana sa aktivnostima, finansijskom procjenom i rokovima, broj: 3902/24 od 07.03.2024. godine i pod sljedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se u periodu važenja ove vodne dozvole, a u skladu sa detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) realizuju aktivnosti na vanjskom uređenju:
 - 3.2.1. Čišćenje separatora tehnoloških otpadnih voda. Rok za realizaciju aktivnosti je 31. decembar 2024. godine.
 - 3.2.2. Čišćenje uređaja za tretman sanitarno-fekalnih voda. Rok za realizaciju aktivnosti je 31. august 2024. godine.
 - 3.2.3. Čišćenje kanala regulacije I i II. Rok za realizaciju aktivnosti je 30. septembar 2024. godine.
 - 3.2.4. Čišćenje taložnih bazena. Rok za realizaciju aktivnosti je 31. oktobar 2024. godine.
 - 3.2.5. Rekonstrukcija i izrada profila kanala regulacije I na zapadnom odlagalištu. Rok za realizaciju aktivnosti je 30. septembar 2024. godine.
 - 3.2.6. Čišćenje separatora tehnoloških otpadnih voda. Rok za realizaciju aktivnosti je 31. decembar 2025. godine.
 - 3.2.7. Čišćenje uređaja za tretman sanitarno-fekalnih voda. Rok za realizaciju aktivnosti je 31. august 2025. godine.
 - 3.2.8. Čišćenje kanala regulacije I i II. Rok za realizaciju aktivnosti je 30. septembar 2025. godine.
 - 3.2.9. Čišćenje taložnih bazena. Rok za realizaciju aktivnosti je 31. oktobar 2025. godine.
 - 3.2.10. Betoniranje kanala regulacije I na zapadnom odlagalištu. Rok za realizaciju aktivnosti je 31. august 2025. godine.
 - 3.2.11. Čišćenje separatora tehnoloških otpadnih voda. Rok za realizaciju aktivnosti je 30. juni 2026. godine.
 - 3.2.12. Čišćenje uređaja za tretman sanitarno-fekalnih voda. Rok za realizaciju aktivnosti je 31. maj 2026. godine.
 - 3.2.13. Čišćenje kanala regulacije I i II. Rok za realizaciju aktivnosti je 30. juni 2026. godine.
 - 3.2.14. Čišćenje taložnih bazena. Rok za realizaciju aktivnosti je 30. april 2026. godine.

- 3.2.15. Izrada kanala regulacije rijeke Turije od propusta na lokalitetu puta B. Selo – Pribitkovici uzvodno do kote 418 m n.v. Rok za realizaciju aktivnosti je 30. juni 2026. godine.
- 3.2.16. Pravno lice je dužno izraditi projektnu dokumentaciju-hidro fazu izvedenog stanja a što uključuje aktivnosti prikupljanja, transporta, tretmana i ispuštanja otpanih voda i oborinskih onečišćenih voda sa prostora P.K. „Turija“ i platoa „Bešin“, općina Banovići uključujući i situacioni prikaz-kartu adekvatne razmjere.
- 3.2.17. Nakon okončanja svih aktivnosti na izgradnji projektovanih objekata i nabavke i ugradnje sadržaja investitor će organizovati puštanje u probni rad i izvršiti tehnički prijem. Nakon okončanja aktivnosti na tehničkom prijemu investitor će podnijeti zahtjev za izdavanje rješenja o vodnoj dozvoli.
- 3.3. Da se objekti čija je svrha odvođenje i prečišćavanje tehnoloških otpadnih voda redovno održavaju i koriste na način koji će obezbijediti njihovu potpunu ispravnost i funkcionalnost.
- 3.4. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora P.K. „Turija“ i platoa „Bešin“, općina Banovići, nesmetano sakupljaju i odvođe do objekata predviđenih za tretman tehnoloških otpadnih voda i oborinskih onečišćenih voda, a zatim ovako tretirane vode preko monitoring okana ispuštaju u definisane recipijente – rijeku Turiju i potok Draganja.
- 3.5. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
- 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
- 3.7. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.8. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.11. Da se istrošena ulja, nauljene krpe i sav opasan otpad koji će nastati na prostoru P.K. „Turija“ i platoa „Bešin“, općina Banovići prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

10. Pravno lice Rudnici mrkog uglja „Banovići“ d.d. Banovići P.K. „Turijska“ i plato „Bešin“, općina Banovići dužan je izvještavati Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, na obrascu iz Priloga 8. Uredbe o uslovima ispuštanja otpadnih voda u okoliš i sisteme javne kanalizacije.
11. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24) daje se sa rokom važenja do 30.06.2026. godine, uz uslov da se aktivnosti obuhvaćene tačkama 3.2.1. do 3.2.17. dispozitiva rješenja u cijelosti poštuju.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice Rudnici mrkog uglja „Banovići“ d.d. Banovići obratili su se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada P.K. „Turijska“ i platoa „Bešin“, općina Banovići.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A-Opća dokumentacija:

- Aktuelni izvod iz sudskog registra izdat od strane Općinskog suda u Tuzli – kopija,
- Uvjerenje o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-3173-2/13 od 15.07.2013. godine izdato od strane Uprave za indirektno-neizravno oporezivanje Banja Luka – kopija,
- Uvjerenje o poreznoj registraciji od 30.03.2010. godine izdato od strane Kantonalnog poreznog ureda Tuzla – kopija,
- Detaljni dinamički plan sa aktivnostima, finansijskom procjenom i rokovima realizacije, broj: 2025/24 za 2024. godinu, broj: 2025-1/24 za 2025. godinu i broj: 2025-2/24 za 2026. godinu, za izgradnju i puštanje u rad sistema za prikupljanje, tretman i ispuštanje tehnoloških otpadnih voda urađen od strane Rudnici mrkog uglja „Banovići“ d.d. Banovići,
- Zapisnik o tehničkom pregledu rudarskih objekata izgrađenih po pojednostavljenom rudarskom projektu Rekonstrukcija zapadnog odlagališta i izmještanje sedimentacionog bazena PK „Turijska“, broj: 14857/18 od 09.08.2018. godine - kopija,
- Zapisnik o tehničkom pregledu rudarskih objekata izgrađenih po Pojednostavljenom rudarskom projektu „Rekonstrukcija jugoistočnog dijela zapadnog odlagališta PK „Turijska“ RMU Banovići d.d. Banovići, broj: 16908/19 od 19.11.2019. godine – kopija,
- Rješenje o odobrenju upotrebe rudarskih objekata, broj: 14858/18 od 09.08.2018. godine izdato od strane RMU „Banovići“ d.d. Banovići – kopija,
- Rješenje, broj: 16914/19 od 14.11.2019. godine izdato od strane RMU „Banovići“ d.d. Banovići – kopija,
- Rješenje Up/I broj: 06/18-506/15 od 05 i 6.11.2015. godine izdato od strane Federalnog ministarstva energije, rudarstva i industrije – kopija,
- Rješenje Up/I broj: 06/18-506/15 od 07.12.2015. godine izdato od strane Federalnog ministarstva energije, rudarstva i industrije – kopija,
- Rješenje Up/I broj: 06/18-412/13 od 15.01.2014. godine izdato od strane Federalnog ministarstva energije, rudarstva i industrije – kopija,
- Rješenje o produženju površinske i podzemne eksploatacije mineralne sirovine mrkog uglja unutar granica eksploatacionog polja „Banovići“, općina Banovići, Lukavac i Živinice, broj: Up/I broj: 06-18-182/11 od 12.09.2011. godine izdato od strane Federalnog ministarstva energije, rudarstva i industrije – kopija,
- Rješenje o vodnoj dozvoli, broj: UP-I/25-3-40-159-7/19 od 10.06.2019. godine izdato od strane Agencije za vodno područje rijeke Save, Sarajevo – kopija,
- Rješenje Up/I Broj: 07-310-123/74 od 25.11.1974. godine izdato od strane Republičkog sekretarijata za privredu Socijalističke Republike Bosne i Hercegovine- kopija,
- Ugovor – zbrinjavanje starih uljnih filtera, broj: 1223/22 od 08.08.2022. godine potpisan sa C.I.A.K. d.o.o. Grude – kopija,
- Ugovor broj: 143/2011 od 09.02.2011. godine potpisan sa J.P. „Komunalno“ d.o.o. Banovići sa Aneksom ugovora broj: 07-49-1/2011 od 18.03.20132. godine - kopija,

- Ugovor o javnoj nabavci usluga – čišćenje taložnih bazena i separatora Aquareg, broj: 908/23 od 19.06.2023. godine potpisan sa „Delta petrol“ d.o.o. Kakanj – kopija,
- Ugovor o javnoj nabavci usluga – dežurstvo, rad i zbrinjavanje otpada u slučaju pojave ekološkog incidenta, broj: 901/19 od 17.08.2019. godine potpisan sa „Delta petrol“ d.o.o. Kakanj – kopija,
- Ugovor-monitoring tehnoloških otpadnih voda, broj: 945/23 od 29.06.2023. godine potpisan sa Inspekt RGH d.o.o. Sarajevo – kopija,
- Ugovor – zbrinjavanje zauljene ambalaže, broj: 295/22 od 18.02.2022. godine potpisan sa „Kemeko BH“ d.o.o. Lukavac – kopija,
- Ugovor-odvoženje i zbrinjavanje starog rabljenog ulja, broj: 31/22 od 07.01.2022. godine potpisan sa „Kemeko BH“ d.o.o. Lukavac – kopija,
- Ugovor-zbrinjavanje opasnog otpada-tonera, broj:1353/22 od 30.09.2022. godine potpisan sa C.I.A.K. d.o.o. Grude – kopija,
- Ugovor-usluga rada vozila WOMA na poslovima crpljenja separatora, septičkih jama i odštopavanje kanalizacije u RMU „Banovići“ d.d. Banovići potpisan sa Džinić invest d.o.o. Banovići – kopija,
- Dokaz o uplaćenju upravnoj pristojbi na zahtjev
- B-Tehnička dokumentacija:
 - Izvještaji o monitoringu kvaliteta i kvantiteta otpadnih voda pogona površinskog kopa „Turija“ Banovići RMU „Banovići“ d.d. Banovići, broj:1618/23, 1345/23, 1192/23, 1110/23, 1037/23, 693/23 urađeni od strane „Inspekt RGH“ d.o.o. Sarajevo – kopija,
 - Završni elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa- RMU „Banovići“ d.d. Banovići PK „Turija“ za period juni 2022, godine-maj 2023. godine urađeni od strane „Inspekt RGH“ d.o.o. Sarajevo – kopija,
 - Godišnji izvještaj o monitoringu kvaliteta i kvantiteta otpadnih voda pogona površinski kop „Turija“ Banovići, RMU „Banovići“ d.d. Banovići za 2022/2023. godinu urađen od strane „Inspekt RGH“ d.o.o. Sarajevo, broj:GI-04/24, januar 2024. godine,
 - Tehničko uputstvo za održavanje i rad sa uređajima za crpljenje vode na površinskom kopu, oznaka TUP.630-01/08 od 07.10.2021. godine urađeno od strane RMU „Banovići“ d.d. Banovići,
 - Tehničko uputstvo za rad u stanicama za snabdijevanje gorivom motornih vozila na PK „Turija“, oznaka TUP.630-01/08 od 06.10.2021. godine urađeno od strane RMU „Banovići“ d.d. Banovići,
 - Tehničko uputstvo za prečišćavanje tehnoloških i oborinskih otpadnih voda sa prališta i servisiranja mehanizacije na platou Bešin, oznaka TUP.630-01/08 od 06.10.2021. godine urađeno od strane RMU „Banovići“ d.d. Banovići,
 - Tehničko uputstvo za kontrolu, održavanje i čišćenje taložnih bazena na PK Turija, oznaka TUP.630-01/08 od 06.10.2021. godine urađeno od strane RMU „Banovići“ d.d. Banovići,
 - Glavni projekti regulacije rijeke Turije u sklopu površinskog kopa „Turija“ Regulacija I, II, III urađeni od strane JPVD „Spreča“ d.d. Tuzla, juni/novembar 2013. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj i tom prilikom sačinjen Zapisnik broj:UP-1/21-3-40-590-6/23 od 04.04.2024. godine.
- Na osnovu dostavljene dokumentacije, izvršenog uviđaja na licu mjesta utvrđeno je sljedeće:
 - U skladu sa zahtjevima iz Rješenja o vodnoj dozvoli broj: UP-I/25-3-40-159-7/19 od 10.06.2019. godine koje je izdato pod uslovima a u skladu sa Dinamičkim planom aktivnosti i mjera sa finansijskom procjenom ulaganja po godinama i rokovima realizacije aktivnosti za RJ PK „Turija“, broj:6181 od 22.04.2019. godine urađenim od strane Rudnici mrkog uglja „Banovići“ d.d. Banovići, te u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije u proteklom periodu pravno lice je trebalo da postupi tj. da realizuju aktivnosti u skladu sa tačkom 3.2.1. po pojednostavljenom rudarskom projektu: Izrada kanala regulacije i rijeke Turije od propusta na lokalitetu puta Banovići Selo-Pribitkovići, uzvodno od kote 418 m n.m. Banovići, urađenu od strane RMU „Banovići“ d.d. Banovići, februar 2019. godine. Krajnji rok za realizaciju svih aktivnosti na terenu je bio kraj 2023. godine.
 - Pravno lice nije postupilo na terenu u skladu sa dostavljenim dinamičkim planom ulaganja.
 - U skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20,96/20,1/24) pravno lice je dostavilo novi dinamički plan ulaganja po kojem će na terenu realizovati se projektovane aktivnosti do kraja mjeseca juna 2026. godine.

➤ U prethodnom periodu od izdavanja Rješenja o vodnoj dozvoli, broj: UP-I/25-3-40-159-7/19 od 10.06.2019. godine pravno lice RMU „Banovići“ d.d. Banovići na prostoru P.K. „Turija“ i platoa „Bešin“, općina Banovići nije vršilo izgradnju novih, dodatnih sadržaja tj. objekata, promjenu načina tehnologije i dr. a koje bi za posljedicu imalo izmijenjeno ispuštanje tehnoloških otpadnih voda i/ili imalo dodatne specifične uticaje na površinske i podzemne vode u cjelini.

➤ Predstavnici podnosioca zahtjeva su upoznati sa potrebom izrade dijela projektne dokumentacije-hidro faza izvedenog stanja a što uključuje aktivnosti prikupljanja, transporta, tretmana i ispuštanja tehnoloških otpadnih voda i oborinskih onečišćenih voda sa prostora P.K. „Turija“ i platoa „Bešin“, općina Banovići uključujući i situacioni prikaz-kartu adekvatne razmjere.

➤ Rezultati monitoringa tj. kvantitativnih i kvalitativnih karakteristika efluenta iz mjeseca januara - decembra 2023. godine urađeni od strane „Inspekt RGH“ d.o.o. Sarajevo ukazuju da rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj 26/20, 96/20, 1/24).

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva RMU „Banovići“ d.d. Banovići P.K. „Turija“ i plato „Bešin“, općina Banovići ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa predmetne lokacije, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr Selma Merdan, dipl.inž.geol.

Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Dostaviti:

- Rudnici mrkog uglja „Banovići“ d.d. Banovići
Ulica Armije BiH 52, 75290 Banovići,
- ⊙ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava